

Eallinfápmo- ja teknihkalaš lávdegoddi

Áigi 08.10.2024 dii. 14:30 - 17:54**Báiki** Hybridačoahkkin, Teams-heivehus / váldostivrasále**Giedahallon áššit**

§	Bajilčála	Siidu
§ 78	Čoahkkima lágalašvuotta ja mearridanváldi	4
§ 79	Beavdegirjedárkkisteaddjiid válljen	5
§ 80	Čoahkkima bargoortnega dohkkeheapmi	6
§ 81	Ruhtadoalu ja dili birra oanehaččat	7
§ 82	Áššit diehtun	8
§ 83	Lobihis huksen	9
§ 84	Ealáhusdoaimma bušeahttaárvalus jahkái 2025	17
§ 85	Teknihkalaš doaimma bušeahttaárvalus jahkái 2025	18
§ 86	Čorgejeaddji doibmii válljen	19
§ 87	Ealáhusdoaibma gaskaboddosaččaid mb-bálkkát 2024	20
§ 88	Huksenlohpeohcamušaid elektrovnnalaš arkiveren	21
§ 89	Mášenbargosoahpamušaid doaibmaáigeopšuvnna geavaheapmi	22

Oasseváldit

Mielde	Namma	Doaibma	Lassedieđut
	Lukkari Sammol	ságadoalli	
	Wargh Kirsi-Marja	várreságadoalli	eret §86-88, dii. 17:22-17:52
	Guttorm Urho	lahttu	vulggii dii.16:41
	Pirjo Konttinen	lahttu	vulggii dii.17:07
	Manninen Terttu	lahttu	
	Eemeli Hekkanen	lahttu	eret §89, vulggii dii.17:52
Eret	Aikio Mika	lahttu	
	Ahlakorpi Anni	lahttu	
	Tapiola Uula		
	Valle Petteri		
	Adamova Anastassia		
	Länsman Arvi		
	Halonen Markku		
	Rautajoki Mervi		
	Koskenniemi Mika		
	Kinnunen Mirjami		
	Rasmussen Riikka		
	Länsman Nilla-Pekka		
Eará	Kordelin Marjatta		
	Niittyvuopio-Valle Laura		
	Guttorm Väinö	gielddaráđđehusa sd	
	Lepistö Tanja	Eallinfápmohoavda	vulggii dii 17:30
	Oikarainen Tapio	Gielddainšenevra	
	Keskitalo Heidi	beavdegirjedoalli	vulggii dii.17:25
	Länsman Juhán	Teknihkalaš čálli, beavdegirječálli	
	Päivi Kontio	Gielddahoavda, vd. giddodathoavda	
	Aikio Leena	dulka	

Vuolláičállosat

Sammol Lukkari
ságadoalli

Heidi Keskitalo
beavdegirjedoalli §78-85

Juhán Länsman
beavdegirjedoalli §86-89

Giedahallon áššit 78 - 89

Beavdegirjji dárkkisteapmi

11.10.2024

Anni Ahlakorpi
beavdegirjedárkkisteaddji

Kirsi-Marja Wargh
beavdegirjedárkkisteaddji §78-85,
89

Mika Aikio
beavdegirjedárkkisteaddji §86-88

Beavdegirji lea dollojuvvon albmosis

Ohcejohka 17.10.2024 09:00

Minna Lukkari
Almmuhantávvala dikšu

Čoahkkima lágalašvuohta ja mearridanváldi

ealteknlg 08.10.2024 § 78

Mearrádusevttohus	Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddálaš.
Mearrádus	Gávnnahuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Eallinfápmo- ja tehnikkalaš § 79
lávdegoddi

08.10.2024

Beavdegirjedárkkisteaddjiid válljen

ealteknlg 08.10.2024 § 79

Mearrádusevttohus Válljet čoahkkimii guokte beavdegirjedárkkisteaddji.

Beavdegirjji Beavdegirjedárkkisteaddjin válljejuvvuiga Anni Ahlakorpi ja Kirsi-Marja Wargh.

Eallinfápmo- ja teknikalaš
lávdegoddi

§ 80

08.10.2024

Čoahkkima bargoortnega dohkkeheapmi

ealteknlg 08.10.2024 § 80

Mearrádusevttohus Eallinfápmo- ja teknikalaš lávdegoddi dohkkeha čoahkkima áššiid gieđahallanortnega áššelisttu mielde.

Mearrádus Mearrádusevttohus dohkkehuvvui. Áššelisttu lassin gieđahallat lasselisttu ášši.

.

Eallinfápmo- ja tehnikkalaš
lávdegoddi

§ 81

08.10.2024

Ruhtadoalu ja dili birra oanehaččat

ealteknlg 08.10.2024 § 81

Eallinfápmohoavda Tanja Lepistö addá oanehaččat diehtun
ealáhusdoaimma ruhtadoalu ja eará dili ja gielddainšenevra Tapio
Oikarainen addá oanehaččat diehtun tehnikkalaš doaimma
ruhtadoalu ja eará dili.

Mearrádusevttohus Merkejuvvojit diehtun.

Mearrádus Merkejuvvojedje diehtun.

Eallinfápmo- ja tehnikkalaš
lávdegoddi

§ 82

08.10.2024

ealteknlg 08.10.2024 § 82

Mearrádusevttohus

Lávdegoddi merke, ahte dan dihtui leat boahtán čuoovvovaš
áššit:

- Huksendárkkisteaddji mearrádusat

Mearrádus

Merkejuvvojedje diehtun.

Eallinfápmo- ja teknikalaš lávdegoddi	§ 64	06.08.2024
Eallinfápmo- ja teknikalaš lávdegoddi	§ 83	08.10.2024

Lobihis huksen

ealteknlg 06.08.2024 § 64

Teknldg 30.09.2021 § 67

Ohcejoga gieldda huksenbarráigeahčču lea bivdán eanasaji 890-401-12-30 oamasteaddjis čilgehusa lobiheamit ollašuhthton viiddideamis manimustá 31.8.2021.

Eanasajis lea bargon viiddideapmi luopmovistái, huksenlohpi 40-41/76 s.19.3 m2, guokte oadđenlanja, hivsset, ja eará divvunbarggut. Huksenbargguide ii leat ohccojuvvon makkárga lohpi, mii laktása huksemii. Visti lea dulvehearkkes guovllus ja dego sáhtá duodástit, visti lea jo ovdal njuoskan dulvvis.

Ohcejoga gieldda huksenortnegis čuoggás 6.

Huksen gáddeavádahkii lea ásahuvvon:

Ássanvistti / vistti gaska gáddesárgás ja sadi huksenbáikkis galgá leat dakkár, ahte oidnosa luonddudilli vejolašvuodaid mielde seailu.

Eará go sávdnevistti ja gaskačáhceallodaga gáddesárga gaska, jos ovddabealde ovdanbukton áššis ii čuovo eará, galgá leat unnimustá 20 mehtera ja vuolimus láhttedássi unnimustá 2,5 mehtera gaskačázi allodagas dahje unnimustá 1 mehtera badječáhcerájá allelabbos (1/50).

Dán vuodul Ohcejoga gielda ii sáhte miedihit gv. vistái huksenlobi makkárga huksenlobi gáibidan doaimmaid várás.

Huksendárkkisteaddji lea fitnan báikkis ja váldán čuozáhagas čuovgagovaid ja veardidan vistti dillái, mii vástida lobi.

Huksendárkkisteaddji mearrádusevttohus:

Ohcejoga gieldda huksenbarráigeahčču ii leat mearreáiggis doaimmahuvvon čilgehus bargojuvvon viiddideamis.

Ohcejoga gielda addá burginávžžuhusa lobihis viiddidanbargui nu, ahte viiddideapmi galgá leat burgojuvvon manimustá 31.3.2022. Juos doaibmabidju ii leat ollašuhthton mearreáiggis, álgá Ohcejoga gielda eanageavahan- ja huksenlága 182 §: s oaivvilduvvon doaimmaide.

Huksendárkkisteaddji nupástusevttohus:

Teknikkalaš lávdegoddi doallá báikegeahčadeami čuovvovaš teknikkalaš lávdegotti čoaikkimis.

Mearrádus:

Eallinfápmo- ja teknikalaš lávdegoddi	§ 64	06.08.2024
Eallinfápmo- ja teknikalaš lávdegoddi	§ 83	08.10.2024

Teknikalaš lávdegoddi dohkkehii huksendárkkisteaddji
nuppástusevttohusa.

Teknldg 02.11.2021 § 77

Teknikalaš lávdegoddi dahká báikegeahčadeami huksensajis 2.11. sullii
dii. 14:00.

Lávdegoddi ságastallá áššis.
Huksendárkkisteaddji addá evttohusa ságastallama vuodul.

Huksendárkkisteaddji mearrádusevttohus:

Teknikalaš lávdegoddi dahká báikegeahčadeami huksensajis 2.11.2021
dii.

Ohcejoga gieldda huksenbearráigehččui ii leat mearreáiggis
doaimmahuvvon čilgehus bargojuvvon viiddideamis.

Ohcejoga gielda addá burginávžžuhusa lobihis viiddidanbargui nu, ahte
viiddideapmi galgá leat burgojuvvon manimustá 31.5.2022.
Juos doaibmabidju ii leat ollašuhhton mearreáiggis, álgá Ohcejoga gielda
eanageavahan- ja huksenlága 182 §: s oaivvilduvvon doaimmaide.

Mearrádus:

Huksendárkkisteaddji mearrádusevttohus dohkkehuvvui ja sohppojuvvui,
ahte geahčalmasbeavdegirji doaimmahuvvo nuppi oassebeallái diehtun.

Teknldg 08.07.2022 § 62

Ohcejoga gielda lea álggahan ng. hálldahusbággoproseassa, mii guoská
eanasaji 890-401-12-30.

Lobihis huksemii guoski meannudeamis lea addon ávžžuhus doaibmabijus
(lobihis viessooasi burgin) áigemeari 31.5.2022 rádjai.

Ohcejoga teknikalaš lávdegoddi ii leat ožžon almmuhusa doaibmabiju
čadaheamis mearreáiggi siste.

Huksendárkkisteaddji mearrádusevttohus:

Ohcejoga teknikalaš lávdegoddi bidjá lobihis huksemis sankšuvnna MRL
182 § mielde ásahanmuttu gullama eanaeaiggádii. Mearreáigi
gulaskuddamii lea 31.8.2022 rádjai.

Mearrádus:

Huksendárkkisteaddji mearrádusevttohus dohkkehuvvui.

Eallinfápmo- ja teknikalaš lávdegoddi	§ 64	06.08.2024
Eallinfápmo- ja teknikalaš lávdegoddi	§ 83	08.10.2024

Teknldg 08.11.2022 § 83

Áššehas ii leat doaimmahan teknikalaš lávdegoddái plána barta burgimis dahje sirdimis mearreáigái.

Go gielda ii leat ožžon čielggadeami dahje almmuhusa doaibmabijuin ášši dáfos, de gielda joatká hálldahusbággoproseassa lága mielde.

Huksendárkkisteaddji mearrádusevttohus:

Ohcejoga gielda dahká uhkádussáhku ásahanmearrádusa.
Uhkádussáhku sturrodahkan mearriduvvo 30 000 euro.

Ohcejoga gielda dahká máinnašuvvon uhkádussáhku vuodul dubmen-/doibmiibidjanmuttu gullama nu, ahte dat doaimmahuvvo duođaštuvvon vuogi mielde giddodaga oamasteaddjái. Mearreáigi gulaskuddamii lea 31.12.2022 rádjai.

Mearrádus:

Huksendárkkisteaddji mearrádusevttohus dohkkehuvvui.

Ealteklg § 26

Ohcejoga gielda lea sádden áššáiosolažžii mearrádusváldosa reivviin, man vuostáiváldin duođaštuvvo. Reivve máhcai vuostáiválddekeahhtá ruovttoluotta Ohcejoga gildii. Dán maŋŋá mearrádusválddus addojuvvui diehtun vástideaddjái 20.1.2023 Varsinais-Suoma gearretreivtti stevnnetolbmo bokte (Hálldahuslága 34 §).

Dán diehtunaddima maŋŋá Ohcejoga gieldda huksenberráigeahčču lea ožžon eanasaji oamasteaddjis vástádusa lobihis huksemii, mas gávnnahuvvo ee. čuovvovaš: Ođastusa oktavuodas ii dađibahábut čielggaduvvon doarvái bures bargguid lobálašvuhta.

Mii leat árvvoštallan huksenprojeavtta iešguđege molssaeavttuid ja mii ohcat dahkkojuvvon ođastussii geavahanulbmila nuppástusa rabas galbma áittis, giddejuvvon galbma áitin. Mii nuppástahttit ráhkkanusa dáláš saji vástidit dán.

Ollislaš vástádus siidomateriálan.

Válmmaštallan: Guovlu lea dulvehearki ja lea duođaštuvvon, ahte dulvi lea juo árabut njuoskadan ráhkkanusa. Oppalašlávás guovlu lea merkejuvvon dulveguovlun. Eanageavahan- ja huksenlága 116 § gieldá dulveguvlui huksema.

Vástádusat čielggadeapmái:

Vuosttas čuokkis: Huksenberráigeahčču ii leat váldojuvvon oktavuhta ovdal viiddideami álggaheami. Huksenberráigeahčču oačču diehtit ášši agoartabargi somebeaivádeamis gárvves huksenbarggus, ii huksema álggaheaddji olbmo doaimmas.

Eallinfápmo- ja teknikalaš lávdegoddi	§ 64	06.08.2024
Eallinfápmo- ja teknikalaš lávdegoddi	§ 83	08.10.2024

Nubbi čuokkis: Vástideaddji evttoha, ahte viiddideapmi nuppástahttojuvvo galbma giddejuvvon áitin. Dás lea nuppástus álgoálgosažžii dat, ahte viiddiduvvon oassi leamašan ng. suojis, masa ii gula ráhkkanusa geardeviidodat. Giddedettiin suoji geardeviidodat boahťa lasáhussan ráhkkanussii, ja dalle doaibmabidju gáibida huksenlobi. Mrl 116 §/dulveriskka vuodul gielda ii sáhte mieđihit gv. lobi huksenprojektii (AHR 30.8.2022, vurkkohus H2546/Jahkegirji 2022:102).

Goalmát čuokkis: Goalmát čuokkis: Deanu gáddeoasseoppalašlávaide leat váldojuvvon Lappi EJB-guovddáža dulveguovllu gártemis Deanu čázadaga guovllut lávvii ng. duohtadiehtun, vuodđomateriálan. Eiseváldi sáhtta mearrádusainis dorvvastit dušše dáidda lávvamearrádusaide, go ollašuhťa láva. Čielggadusa addi ovdanbuktá, ahte ng. čáhcevahát-/dulvedivvun leamašan lobálaš divvun. Huksenberráigeahču mielde njuoskan ráhkkanusosiid sáhtta molsut lohpeproseassa haga, go ii guskojuvvo dainna lágiin guoddi ráhkadusaide, mas šaddet dehálaš nuppástusat (Mrl 125 §), iige áššis leat almmuhuvvon ovdal, iige divvunbargguid maŋŋá Ohcejoga gieldda huksenberráigeahču.

Čuolddaid loktemis ii leat maiddái dahkkon makkárga almmuhus dahje dan ii sáhte moge čájeht.

Divvumis leat dušše divvojuvvon/molsojuvvon njuoskan ráhkkanusoasit, nu ahte dilli huksenlobi mieđiheami áigodagas ii leat sohppojuvvon. (Huk lohpi 76-0040-41-R, Lappi birehuksendoaimmahat).

Huksendárkkisteaddji mearrádusevttohus:

Ohcejoga huksenberráigeahču gávnna, ahte čielggadusa addi ii leat vástádusastis/čielggadusastis ovdanbuktán maidige, mii váikkuhivččii ášši váldoáššálaš giedahallamii.

Ohcejoga gieldda ealáhus- ja teknikalaš lávdegoddi dahká dubmen-/ollašuhťtinmearrádusa MRL 182 § mielde uhkádussáhku mearrideamis lobihis huksemii.

Uhkádussáhku mearrin mearriduvvo **30 000 euro**.

Máksinmearrádus ollašuhťto, go mearrádus lea ožžon láchkafámu.

Mearrádus:

Anni Ahlakorpi evttohii, ahte ášši guđđojuvvo beavddi ala, iige giedahallo dán čoahkkimis. Mika Aikio guottihii Anni Ahlakorpi evttohusa. Dasgo čoahkkimis lei dahkkon huksendárkkisteaddji mearrádusevttohusas spiehkasteaddji guottihuvvon evttohus, de áššis čađahuvvui jienasteapmi. Jienasteamis JUO huksendárkkisteaddji mearrádusevttohus ja II Anni Ahlakorpi evttohus. Čoahkkimis addojuvvojedje oktiibuot 9 jiena, main buot lahtut jienastedje II. Jienastanboađus, JUO 0 ja II 9.

Mearrádussan bođii Anni Ahlakorpi evttohus, nappo ášši guđđojuvvui beavddi ala.

Eallinfápmo- ja teknikkalaš lávdegoddi	§ 64	06.08.2024
Eallinfápmo- ja teknikkalaš lávdegoddi	§ 83	08.10.2024

Ealteklg § 72

Ohcci lea guođđán gildii huksenlohpeohcamuša, man mielde ulbmilin lea, ahte viiddideapmi nuppástahttojuvvon galbmagiddejuvvon sadjin. Ovddabealde máinnašuvvon dilli ii nuppástuhte dili MRL 115 § mielde, mas ovdanbuktojuvvon projeakta lasiha vistti geardeviidodaga ja ná lobi miediheapmi dulvehearkkes guvlui lea MRL 116 § mearrádusa vuostá.

Áššáiosolaš lea doaimmahan njulgengáibádusa huksendárkkisteaddji 2.6.2023 biehtadahkes huksenlohpemearrádussii.

Njulgengáibádusastis huksenlobi ohcci gáibida, ahte Ohcejoga gielda eallinfápmo- ja teknikkalašlávdegoddi gomiha huksenlohpemearrádusa ja miediha huksenlobi ohcamuša mielde dahje máhcaha ášši ođđasis giedahallamii.

Njulgengáibádus ákkastallo áššáiosolažžii dainna ahte huksenlohpemearrádus lea eahpečielggas, go mearrádusa ákkain ii boađe ovdan, masa hilgojuvvon mearrádus vuodđuduvvá.

Lohpemearrádusas lea čujuhuvvon MRL 115 ja 116 §:ii.

MRL 115 § mielde vistti huksejuvvon geardeviidodat sáhtta leat eanemustá 120 k-m² ja dát manná badjel.

MRL 116 § mielde sáhtta gávnnahit, ahte huksenbáikkis lea dulveriska, iige dat danin leat heivvolaš báiki lassehuksemii.

Huksendárkkisteaddji mearrádusevttohus:

Njulgengáibádusastis ohcci lea ovdanbuktán, ahte mearrádusas livččii máinnašuvvon, ahte huksenvuoigatvuohta (120 k-m²) lea stuorát. Čuoččuhus ii doala deaivása.

Teavsttas leat ovdanbuktojuvvon MRL 115 § sisdoallu ja ákkat, das, mo huksenvuoigatvuohta árvvoštallojuvvo.

MRL 116 § dáfus ohcci lea riehta dulkon paragrafa sisdoalu, ahte dulvehearkkes guvlui ii sáhte miedihit dakkár huksema, dego dán gažaldatvuloš viiddideami.

Oppalaččat sáhttit gávnnahit, ahte eanasaji huksenvuoigatvuohta lea merkejuvvon ng. dearpmi ala, doarvái alla eanabáikái, ahte dat ii leat dulveguovllus ja gažaldatvuloš lobi miediheapmi nannešii nuppi huksenvuoigatvuođa oppalašláva guvlui, mas leat vuoigatvuođaváikkuhusat. Dát livččii eahpedásseárvosaš meannudeapmi eanaeaggádiiguin ja lávvema vuodđojurdagiid rihkkun.

Eallinfápmo- ja teknikkalaš lávdegoddi doallá fámus huksendárkkisteaddji biehtadahkes mearrádusa ja hilgu njulgengáibádusa. Lassin lávdegoddi joatká uhkádussáhkcomeannudeami ođđasis gullamiin, dasgo giedahallamis lea huksenlohpeohcamuš, mii spiehkkaš álgogálgosaš ohcamušas.

Eallinfápmo- ja teknikalaš lávdegoddi	§ 64	06.08.2024
Eallinfápmo- ja teknikalaš lávdegoddi	§ 83	08.10.2024

Mearrádus:

Mika Aikio evttohui, ahte lohpeamearrádusa galgá máhcahit huksenberráigeahččaneiseváldái ođđasis gieđahallamii. Pirjo Konttinen guottihii Mika Aikio evttohusa.

Uula Tapiola ja Sammol Lukkari guottiheigga huksendárkkisteaddji evttohusa.

Dasgo čoahkkimis lei dahkkon áššemeannudeaddji evttohusas spiehkasteaddji guottihuvvon evttohus, de áššis čađahuvvui jienasteapmi, mas JUO huksendárkkisteaddji evttohus ja II Mika Aikio evttohus.

Jienat addojuvvojedje oktiibuot 9 st, main JUO-jienat 4 st (Uula Tapiola, Eemeli Hekkanen, Markku Halonen ja Sammol Lukkari) ja II-jienat 5 st (Pirjo Konttinen, Terttu Manninen, Mika Aikio, Anni Ahlakorpi, Kirsi-Marja Wargh).

Mearrádussan bođii Mika Aikio evttohus nappo lohpeamearrádus máhcahuvvui huksendárkkisteaddjái ođđasis gieđahallamii.

Eltekltk § 64

Ohcejoga huksenberráigeahčču lea gieđahallan ođđasis lohpeohcamuša ja addán áššis biehtadahkes mearrádusa.

Ohcejoga gielda lea gieđahallan dán lohpeohcamuša čuožáhaga lobihis huksemin dulvái rašes guvlui (Yk mearrádus; erošuvdna-dulvi), 30.9.2021 - 27.2.2023 (5 geardde). Ohcamušas lea evttohuvvon, ahte lobiheamet álggahuvvon ja huksejuvvon viiddidanoassi, ovddeš rabasgáhttosá báikái, rievdaduvvo ruovttoluotta vuorkán. Dohko sierra johtin olggobealde, muhto seainnit báhcet báikái. Viiddidanoasi geardeviidodat lassána 19,3 k-m2. Huksenlobi ii sáhte mieđihit eanageavahan- ja huksenlága 115 ja 116 § vuodul. MRL 115 § Geardeviidodat Viesu geardeviidodahkii rehkenastojuvvojit gerddiid viidodagat olgoseinni olggoža mielde ja dat keallergearddi dahje lovtta viidodat, gosa huksejuvvojit dahje gosa sáhtta hukset dáid sajiid sajádaga, oktavuođaid, sturrodaga, čuovgatvuoda ja eará iešvuodaid geažil viesu váldogeavahanulbmila mieldásaš sajiid. Jos olgoseainni gassodat lea eanet go 250 millimehtera dahje lanjadaga ráddjejeaddji gaskaseainni gassodat lea eanet go 200 millimehtera, de oažžu viesu geardeviidodat mannat badjel muđui huksemii lobálaš geardeviidodaga dás šaddi viidodaga veardde. Viesu huksemii lobálaš geardeviidodat oažžu mannat badjel maiddá albmotsuoji dahje dálloknihkalaš vuogádagaid eaktudan njielahaga, bohcci/kanála dahje dábálaš oktasaš sajiide/lanjaide rahpaseaddji teknikkalaš saji huksemii dárbbášlaš viidodaga veardde. MRL 116 § Huksensadjái guoski gáibádusat Sajádatlávaguovllus huksensaji heivvolašvuhta merrejuvvo sajádatlávás. Huksensadji berre sajádatlávaguovllu olggobealde leat ulbmilii heivvolaš, huksemii gelbbolaš ja doarvái stuoris, goit uhcimustá 2

Eallinfápmo- ja tehnikkalaš lávdegoddi	§ 64	06.08.2024
Eallinfápmo- ja tehnikkalaš lávdegoddi	§ 83	08.10.2024

000 njealjehasmehtera. Huksensaji heivvolašvuoda ja gelbbolašvuoda guorahaladettiin galgá earet eará váldit vuhtii, ahte huksensajis ii leat dulvvi, čoahkkáigahččama dahje fierrama várra. Lassin viesuid galgá sajustit doarvái guhkes mátkki geahčái giddodaga rájiin, almmolaš geainnuin ja kránnjá eatnamis. Viesu mátkegaskkas sajádatlávaguovllu olggobealde nuppi olbmo oamastan dahje hálddašan eatnamii ja dan vissui mearriduvvo ásahtusain. Ohcejoga gielda ealáhus- ja tehnikkalaš lávdegoddi Ohcejoga gielda MEARRÁDUSVÁLDUS

Huksenberráigeahčču Lohpedovddaldat 23-0019-R 27.11.2023 § 17

Siidu 1 lávdegoddi lea čoahkkimisttis 27.09.2023 máhcahan huksendárkkisteaddji ovddit mearrádusa ođđasit gieđahallamii njulgengáibádusa mielde. Ohcejoga gielda ealáhus- ja tehnikkalaš lávdegoddi lea čoahkkimisttis 27.9.2023 máhcahan huksendárkkisteaddji ovddit mearrádusa ođđasit gieđahallamii njulgengáibádusa mielde. Ohcejoga huksenberráigeahčču hilgu huksenlohpeohcamuša Ohcejoga gielda girkosiidda guovllus eanasadjái Kiikula Rno: 890-401-12-30. Ákkastallamat: Eanageavahan- ja huksenlága 116 § gieldá dulveguvlui huksema. Dat, ahte oppalašlávás leat merkejuvvon dálá viesut daid čujuhan báikái ii mearkkaš dan, ahte huksenáiggi maŋŋá dahkkon čielggadusaid ja ráddjemiid buktin ráddjehusat huksenbáikkis bázášedje mearkkašmeahtumin. Oppalašlávás lea merkejuvvon huksensaji guoski lávvamerken erošuvdna/dulvi, ja viiddidanvuloš visti lea ollásit dulveguvllus. Oppalaš dulkoma mielde, jos gáddeguovllus lea gávnnašuvvon dulveviidodat, de huksejuvvon visti lea sáhtán leat ain guovllus, muhto buotlágan viiddideamis ja huksenlobi dárbbášan doaibmabijus čuovvu lánkanjuolggadusa fápmuibohtin. Eanageavahan- ja huksenlága 115 § vuodul gažaldatvuloš huksen lasiha geavahuvvon geardeviidodaga. Álgosaš gáhttos oassái lea huksejuvvon (lobiheamet) luopmoássanvissui lasi ássansadjái. Dál plánejuvvon nuppástus ii rievdat dili, dasgo vistti geardeviidodat rehkenasto gv. paragrafa mielde vistti olgoseinniid mielde, ja nu mo ohcci lea ovdanbuktán, de plánejuvvon nuppástusa berre goit heaittihit, man dáhpuhusas das čuovvu lánkanjuolggadusa fápmuibohtin. Riekteváikkuheaddji oppalašlávva ii atte vejolašvuoda spiehkastit eanageavahan- ja huksenlága njulggadusain. Válmmaštalli Huksendárkkisteaddji Mearrádusa addin Mearrádus addojuvvo albmosii bidjama maŋŋá 29.11.2023, goas dat gehččojuvvo bohtán áššeasálaččaide diehtun. Lohpemearrádusa maŋimuš váidinbeaivi lea 13.12.2023.

Áššemeannudeaddji Huksendárkkisteaddji Markku Porsanger

Mearrádusevttohus Ohcejoga huksenberráigeahčču joatká uhkádussáhkkovuogi, vai burgin ja/dahje eret sirdin dáhpuhušii jođánabbot.

Ohcejoga gielda dahká uhkádussáhku ásahtusmearrádusa.
Uhkádussáhku sturrodahkan mearriduvvo 30 000 euro.

Ohcejoga gielda dahká máinnašuvvon uhkádussáhku vuodul dubmen /doibmiidjanmuttu gulaskuddama nu, ahte dat doaimmahuvvo duodaštuvvon vuogi mielde giddodaga oamasteaddjái. Mearreáigi gulaskuddamii lea maŋimustá 30.08.2024.

Ohcejoga gielda

Beavdegirji

7/2024

16

Eallinfápmo- ja tehnikkalaš
lávdegoddi

§ 64

06.08.2024

Eallinfápmo- ja tehnikkalaš
lávdegoddi

§ 83

08.10.2024

Mearrádus

Huksendárkkisteaddji mearrádusevttohus dohkkehuvvui.

ealteknlg 08.10.2024 § 83
18/10.03.00.01/2024

Válmmaštalli

Vd. Huksendárkkisteaddji Tapio Oikarainen

Áššáiosolaččas ii leat boahtán gildii gulaskuddan.
Uhkádussáhkku meannuduvvo uhkádussáhkkolága
14.12.1990/1113
mielde. Ášši gieđahallan sirdojuvvo juristii.

Áššemeannudeaddji

Vd. Gielddainšenevra Oikarainen Tapio

Mearrádusevttohus

Uhkádussáhkku meannuduvvo ja ášši gieđahallan sirdojuvvo juristii.

Mearrádus

Mearrádusevttohus dohkkehuvvui.

Eallinfápmo- ja teknikalaš
lávdegoddi

§ 84

08.10.2024

Ealáhusdoaimma bušeahttaárvalus jahkái 2025

ealteknlg 08.10.2024 § 84
51/02.02.00/2024

Eallinfápmohoavda ovdanbuktá ruhtadoallo- ja doaibmaplána
čoahkkimis.

Bušeahttaárvalus jahkái 2025 siidomateriálan.

Áššemeannudeaddji Eallinfápmohoavda Lepistö Tanja

Mearrádusevttohus Eallinfápmo- ja teknikalaš lávdegoddi dohkkeha ealáhusdoaimma
bušeahttaárvalusa jahkái 2025 ja evttoha dan gielddaráđđehussii ja
ain váldostivrii dohkkehanláhkai.

Mearrádus Mearrádusevttohus dohkkehuvvui.

Dán paragrafa gieđahallama maŋŋá čoahkkimis dollojuvvui boddu
dii. 16:14-16:20

Teknikalaš doaimma bušeahttaárvalus jahkái 2025

ealteknlg 08.10.2024 § 85
51/02.02.00/2024

Vt. giddodathoavda Päivi Kontio ovdanbuktá lávdegotti ruhtadoallo- ja doaibmaplána čoahkkimis.

Bušeahttaárvalus ja investerenprográmma siidomateriálan.

Áššemeannudeaddji Vd. giddodathoavda Kontio Päivi

Mearrádusevttohus Eallinfápmo- ja teknikalaš lávdegoddi dohkkeha teknikalaš doaimma bušeahttaárvalusa jahkái 2025 ja investerenprográmma jagiide 2025-2027 ja evttoha daid ain váldostivrii dohkkehanláhkai.

Mearrádus Mika Aikio evttohii, ahte investerenprográmmas sihkkojuvvo Njuorggáma lášmmohallanhálla plánen ja huksen. Kirsi-Marja Wargh guottihii Mika Aikio evttohusa. Čoahkkimis čađahuvvui jienasteapmi, mas vuodđoevttohus JUO ja II Mika Aikio evttohus. Jienat addojedje oktiibuot 6 st, main JUO-jienat 4 st (Terttu Manninen, Eemeli Hekkanen, Anni Ahlakorpi, Sammol Lukkari) ja II-jienat 2 st (Mika Aikio, Kirsi-Marja Wargh).

Pirjo Konttinen evttohii, ahte álšaráhpaid plánen ja ollašuhttin maŋiduvvošii jagiin ovddos guvlui. Pirjo Konttisa evttohus ii guottihuvvon.

Urho Guttorm guđii čoahkkima dán paragráfa giedahallama áigge dii. 16:41 ja Pirjo Konttinen vulggii dii. 17:07.

Kirsi-Marja Wargh guđii čoahkkima dán paragráfa mearrideami maŋná dii 17:22.

Lávdegoddi dohkkehii evttohuvvon teknikalaš doaimma bušeahttaárvalusa jahkái 2025 ja investerenprográmma smávva lasáhusaiguin jagiide 2025-2027. Lávdegoddi lasihii investerenprográmmii dearvvasvuodaguovddášvisttiid liggenvuogádagaid ja girkosiidda sajádatlávvema gearrgaheapmái várrejuvvui 5 000 euro.

Eallinfápmo- ja teknikkalaš
lávdegoddi

§ 86

08.10.2024

Čorgejeaddji doibmii válljen

ealteknlg 08.10.2024 § 86
52/01.01.01.00/2024

Áššemeannudeaddji Tapio Oikarainen

Ohcejoga gieldda teknikkalaš doaibmasuorggis lea leamašan ohcanláhkai čorgejeaddji doaibma mearreáigásaš bargogaskavuhtii 1.10.2024 rájes.

Mearreáiggi siste 16.9.2024 rádjai čorgejeaddji doibmii bohte golbma (3) ohcamuša.

Gáibideimmet čorgejeaddji doibmii buriid ovttasbargodáidduid, návcca bargat iehčanassii, doibmii heivvolaš skuvlejumi dahje ámmádtutkosa dahje doarvái ollu bargohárjánumi gv. suorggis. Ovdun gehččojuvvo sámegiela máhttu. Doaimmas čuovvut 6 mb geahččalanáiggi.

Ovdal doaimma vuostáiváldima doibmii válljejuvvon olmmoš galgá ovdanbuktit dohkálaš doaktárduođastusa iežas dearvvašvuodadilis.

Ohcciin guovttis, Korva Eevi ja Alejandro Garnica Erwin, leaba jearahallojuvvon teams -oktavuođain 20.9.2024.

Áššemeannudeaddji Gielddainšenevra Oikarainen Tapio

Mearrádusevttohus Jearahallamiid ja ohcamušaid vuodul gv. čorgejeaddji doibmii evttohuvvo válljejuvvot Alejandro Garnica Erwin. Jearahallon ohcciin nubbái ii heiven bistevaš ja ollesáigásaš bargogaskavuohta, son lei beroštuvvan mearreáigásaš barggus. Lávdegoddi nanne seammás čorgejeaddji doibmii válljejuvvon ohcci vuodđobáikán 2200 Euro/mb.

Mearrádus Beavdegirjedoalli Heidi Keskitalo guđii čoahkkima dán paragrafa giedahallama áigge dii.17.25 ja Juhán Länsman jotkii beavdegirjedoallin. Nubbin beavdegirjedárkkisteaddjin válljejuvvui Mika Aikio.

Olmmoš gii lei evttohuvvon válljejuvvot čorgejeaddji doibmii almmuhii, ahte son ii váldde barggu vuostá. Čorgejeaddji doaibma biddjojuvvo ođđasis ohcan láhkai.

Eallinfápmo- ja teknikalaš
lávdegoddi

§ 87

08.10.2024

Lassemearreruhta: Ealáhusdoaibma gaskaboddosaččaid mb-bálkkát 2024

ealteknlg 08.10.2024 § 87
57/01.01.01.00/2024

Áššemeannudeaddji Ealáhusčáli Juhán Länsman

Eallinfápmo- ja teknikalaš lávdegoddi lea čatnasan mearrádusain (11.10.2023 § 92) ealáhusčáli mearreáigásaš doibmii, muhto jagi 2024 bušeahttaárvalusa válmmaštallama áigge bálkágolut eai válđojuvvon vuhtii bušeahttaárvalusa mearreruđain. Dán sivvan ledje oassái hoahppu bušeterenmuttus ja lassin bargiresurssaid gaskaboddosaš rievdadusat. Ealáhuskoordináhtora bálkágolut leat leamašan dieđus, muhto ovdalis namuhuvvon sивaid dihtii bálkkát báhce merkekeahtá bušeahttaárvalussii.

Ohcat lassemearreruđa gaskaboddosaš ealáhuskoordináhtora bálkágoluid gokčama várás jahkái 2024.

Áššemeannudeaddji Eallinfápmohoavda Lepistö Tanja

Mearrádusevttohus Eallinfápmo- ja teknikalaš lávdegoddi evttoha gielddaráđđehussii ja ain váldostivrii dohkkehanláhkai lassemearreruđa jahkái 2024 ealáhuskoordináhtora bálkágoluid várás 13 000 euro. Lassemearreruhta čujuhuvvo gollobáikái ealáhusdoaibma 1712000001, kontu gaskaboddosaččaid mb-bálkkát 400021.

Mearrádus Mearrádusevttohus dohkkehuvvui.

Tanja Lepistö guđii čoahkkima dán paragrafa gieđahallama maŋŋá dii.17.30.

Eallinfápmo- ja teknikkalaš
lávdegoddi

§ 88

08.10.2024

Huksenlohpeohcamušaid elektrovnnalaš arkiveren

ealteknlg 08.10.2024 § 88
56/10.03.00.01/2024

Áššemeannudeaddji Gielddainšenevra Oikarainen Tapio

Ohcejoga gieldda huksenberráigeahčču geavaha elektrovnnalaš lohpebálvalusa, Lupapiste.fi huksenlohpeohcamušaid, - almmuhusaid ja spiehkastanlohpeohcamušaid gieđahallama ja elektrovnnalaš gulahallama várás. Lohpeohcamušaid arkiveren ii gula soahpamuššii, mii gielddas dál lea.

Áššemeannudeaddji Gielddainšenevra Oikarainen Tapio

Mearrádusevttohus Lávdegoddi dohkkeha Claudpermit Oy:s vuostáiváldojuvvon beaiváduvvon fáldadaga nu, ahte maddái arkiveren gullá bálvalussii. Mearrádusdahkan ja rehketábmen eai gula haddái, mii lea 468 Euro/mb. Seammás mearridit dan, ahte lohpeohcamušat arkiverejuvvojit elektrovnnalaš hámis jagi 2025 álggu rájes ja dan mielde dahkat dárbblaš beaivádemiid Ohcejoga gieldda arkiverenplánii.

Mearrádus Mearrádusevttohus dohkkehuvvui.

Eallinfápmo- ja teknikalaš
lávdegoddi

§ 89

08.10.2024

Mášenbargosoahpamušaid doaibmaáigeopšuvnna geavaheapmi

ealteknlg 08.10.2024 § 89
62/10.03.01.01.00.01/2024

Ohcejoga gieldda guđege giliguovllu (girkosiida, Njuorggán, Gáregasnjárga) mášenbargosoahpamušbadji šiljuid ja guovlluid ortnegisdoallanbargguin lea nohkan 30.5.2024. Soahpamušaide gullet guokte (2) ovttá (1) jagi guhkkosaš opšuvdnabaji. Teknikkalaš doaibma lea juo ráhkkanan áššái ja jearran / almmuhan agoartabargiide: Utsjoen Ympäristöhuolto Ky, Nuorgamin Lomakeskus Oy ja Niilo A. Rasmus opšuvdnabaji geavaheamis.

Áššemeannudeaddji Vd. giddodathoavda Kontio Päivi

Mearrádusevttohus Lávdegoddi váldá atnui 1. opšuvdnabaji 1.6.2024 - 30.5.2025 álgoálgosaš soahpamušaid eavttuid mielde.

Mearrádus Eemelil Hekkanen guđii čoahkkima dii. 17.52, iige oassalastán mearrádusdahkamii. Kirsi-Marja Wargh bođii čoahkkimii dii.17.52.

Mearrádusevttohus dohkkehuvvui.

Ságadoalli loahpahii čoahkkima dii. 17.54.

Nuppástusohcanráva guoská paragrafaid: § 78 § 79 § 80 § 81 § 82 § 84 § 85 § 86 § 87

NUPPÁSTUSOHCANGIELDU

Dán mearrádusas ii oaččo dahkat vuigengáibádusa iiige gielddaváidaga, dasgo mearrádus guoská

- * gielдалáга 136 § mielde dušše válmmaštallama dahje ollašuhhtima
- * bargo- dahje virgeeaktosoahpamuša dulkoma, heiveheami
- * bargojodihan- ja bearráigeahččanvuoigatvuodá geavaheami

Nuppástusohcanráva guoská paragrafaid: § 83**VÁIDDAČUJUHUS**

Dán mearrádussii ohccojuvvo nuppástus hálldahusváidagiin.

Váidinvuoigatvuohta

Dán mearrádussii oažžu ohcat nuppástusa dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha ja dat gean váidinvuoigatvuođas lágas sierra mearriduvvo. Eiseváldi sáhttá ohcat nuppástusa maiddái váidimiin, jos dasa maid eiseváldi gohcá lea dárbu váidit almmolaš ovddu dihte.

Váidináigi

Váidaga galgá dahkat 30 beaivve geažes das, go lea ožžon mearrádusa diehtun.

Váidaga galgá doaimmahit váiddaeiseváldái maŋimustá váidináiggi maŋimuš beaivve ovdal, go váiddaeiseváldi doaimmahat giddejuvvo.

Gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Gehččojuvvo, ahte mearrádus lea boahtán eiseváldái diehtun goittotge dan beaivve go reivve lea boahtán.

Go geavahuvvo dábálaš elektrovnnalaš diehtunaddin, de gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Diehtunoažžunbeaivi ii rehkenastojuvvo váidináigái. Jos váidináiggi maŋimus beaivi lea bassebeaivi, iehčanasvuodabeaivi, válborbeaivi, juovla- dahje jonsotruohtta dahje árgalávvardat, de váiddaáššegirjiid oažžu doaimmahit váiddavirgeoapmahažžii vuosttas beaivve dan maŋŋá.

Váiddaeiseváldi

Váidda dahkkojuvvo Davvi-Suoma hálldahusriektái

Boastačujuhush: PL 189 90 101 OULU
Uksačujuhush: Torikatu 34-40, Oulu
Telefonnummir 029 564 2800
E-boasta: pohjois-suomi.hao@oikeus.fi

Váidaga sáhttá dahkat maid hálldahus- ja erenoamášduopmostuoluid áššedikšunbálvalusas čujuhusas <https://asiointi2.oikeus.fi/hallintotuomioistuimet>

Váidaga hápmi ja sisdoallu

Váidaga galgá dahkat čálalaččat. Maiddá elektrovnnalaš áššegirji deavdá čálalaš hámi gáibádusa.

Váidagis galgá almmuhit:

- 1) mearrádusa, masa ohcá nuppástusa (váidinvuloš mearrádus);
- 2) man dáfus mearrádussii ohcá nuppástusa ja maid nuppástusaid dasa gáibida (gáibádusat);
- 3) gáibádusaid vuodustusat;
- 4) masa váidinvuoigatvuohta vuodđuduvvá, jos váidinvuloš mearrádus ii guoskka váidi.

Váidagis galgá lassin almmuhit váidi nama ja oktavuohtadieđuid. Jos sátneválldi geavaha váidi lágalaš ovddasteaddji dahje fápmuduvvon olmmoš, de maiddá su oktavuohtadieđuid galgá almmuhit. Jos oktavuohtadieđut rivdet dalle, go váidda lea biddjojuvvon johtui, galgá dieđuid rievdamis almmuhit hálddahuosduopmostullui farggamusat.

Váidagis galgá almmuhit maiddá dan boastačujuhusa ja vejolaš eará čujuhusa, masa riektegeavvama áššegirjiid sáhtá sáddet (proseassačujuhusa). Jos váidi lea almmuhan eambbo go ovttá proseassačujuhusa, de hálddahuosduopmostuollu sáhtá válljet, guđemuš almmuhuvvon čujuhussii dat doaimmaha riektegeavvama áššegirjiid.

Váidagii galgá laktit:

- 1) váidinvuloš mearrádusa ja váiddačujuhusa;
- 2) čielggadusa das, goas váidi lea ožžon mearrádusa diehtun dahje eará čielggadusa váidináiggi álginbeaivvis;
- 3) áššegirjiid, maid váidi geavaha gáibádusaidis doarjjan, jos dat eai leat juo ovdal doaimmahuvvon eiseváldái.

Riektegeavvanmáksu

Das, gii bidjá nuppástusohcanášši johtui, berrojuvvo riektegeavvanmáksu dan mielde, go duopmostuollolágas (1455/2015) ásahuvvo.

Beavdegirji

Mearrádusa guoskevaš beavdegirjji váldosiid ja mildosiid sáhtta bivdit Ohcejoga gieldda registrerenkantuvrras.

Boastačujuhush:	PL 41, 99981 OHCEJOHKA
Uksačujuhush:	Luossa 1 a 99981 Ohcejohka
E-boasta:	kunnanvirasto@utsjoki.fi
Telefonnummir	040 188 6 111

Registrerenkantuvra lea rabas vuossárggas bearjadahkii dii. 9.00 - 15.00.

Beavdegirji lea 17.10.2024 dolvojuvvon oaidnin láhkai almmolaš diehtofierbmái čujuhussii www.utsjoki.fi.

Nuppástusohcanráva guoská paragrafaid: § 88 § 89**VUIGENGÁIBÁDUSRÁVVAGAT**

Dán mearrádussii duhtameahttun olmmoš sáhttá dahkat čálalaš vuigengáibádusa. Mearrádussii ii oaččo ohcat nuppástusa duopmostullui váidimiin.

Vuigengáibádusvuoigatvuohta

Vuigengáibádusa oažžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha (áššáiosolaš), ja lassin
- gieldda lahttu.

Vuigengáibádusáigi

Vuigengáibádusa galgá dahkat 14 beaivve geažes das, go lea ožžon mearrádusa diehtun.

Vuigengáibádusa galgá doaimmahit Ohcejoga gieldda registrerenkantuvrii mearreáiggi maŋimuš beaivve ovdal, go registrerenkantuvra giddejuvvo.

Gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Go geavahuvvo dábálaš elektrovnnalaš diehtunaddin, de gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Gehččojuvvo, ahte gieldda lahttu lea ožžon mearrádusas dieđu čieža beaivve geažes das, go beavdegirji lea leamašan oaidninláhkai almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos njulgengáibádusáiggi maŋimuš beaivi lea iehčanasvuođabeaivi, válborbeaivi, juovla- dahje jonssotruohtta dahje árgalávvardat, de njulgengáibádusa oažžu doaimmahit vuosttas árgabeaivve dan maŋŋá.

Vuigengáibáduseiseváldi

Eiseváldi, geasa vuigengáibádus dahkkojuvvo, lea Ohcejoga eallinfápmo- ja teknikkalaš lávdegoddi

Registrerenkantuvrra oktavuohtadieđut:

Boastačujuhus:	PL 41, 99981 OHCEJOHKA
Uksačujuhus:	Luossa 1 a 99981 Ohcejohka
E-boasta:	kunnanvirasto@utsjoki.fi
Telefonnummir	+358 40 188 6111

Registrerenkantuvra lea rabas vuossárggas bearjadahkii dii. 9.00 - 15.00.

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádusa, masa ohcá vuigema
- mainna lágiin mearrádusa galgá vuiget
- maiguin ákkaiguin gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusmearrádusa sáhtá addit diehtun elektrovnnalaš diehtun, de bivdit almmuhit oktavuohtadiehtun maiddái e-boastačujuhusa.

Beavdegirji

Mearrádusa guoskevaš beavdegirjii váldosiid ja mildosiid sáhtá bivdit Ohcejoga gieldda registrerenkantuvrras.

Beavdegirji lea 17.10.2024 dolvojuvvon oaidnin láhkai almmolaš diehtofierbmái.